

PWYLLGOR TRWYDDEDU

Dydd Mercher, 24 Hydref 2018

YN BRESENNOL: Y Cynghorydd E.G. Thomas (Cadeirydd)

Y Cynghorwyr:

F. Akhtar, J.M. Charles, P.M. Edwards, R.E. Evans, W.T. Evans, A.L. Fox, J.K. Howell, A.S.J. McPherson, J.S. Phillips, J.E. Williams and E.G. Thomas

Yr oedd y swyddogion canlynol yn gwasanaethu yn y cyfarfod:

R. Edgecombe, Rheolwr y Gwasanaethau Cyfreithiol
E. Jones, Pen-swyddog Trwyddedu
J. Power, Uwch Swyddog Trwyddedu
E. Bryer, Swyddog Gwasanaethau Democrataidd
M.S. Davies, Swyddog Gwasanaethau Democrataidd
P. Booth, Swyddog Trwyddedu

Y Siambr, Neuadd y Sir - 10.00 am - 12.00 pm

1. YMDDIHEURIADAU AM ABSENOLDEB

Derbyniwyd ymddiheuriadau am absenoldeb gan y Cynghorwyr A. Davies, H.I. Jones a D.E. Williams.

2. DATGANIADAU O FUDDIANNAU PERSONOL

Ni chafwyd dim datganiadau o fuddiant personol.

3. TRWYDDED YRRU DDEUOL CERBYD HACNAI/HURIO PREIFAT - MRS REBECCA LOUISE BURTON

Rhodddwyd gwybod i'r Pwyllgor bod Mrs Rebecca Louise Burton o The Old Mill, Dre-fach Felindre, Llandysul, yn meddu ar Drwydded Yrru Ddeuol ar gyfer Cerbyd Hacnai/Hurio Preifat gan yr Awdurdod a bod mater wedi codi ynghylch ei thrwydded.

Bu'r Pwyllgor yn cyfweid â Mrs Burton ynghylch y mater hwnnw.

Argymhellodd yr Uwch-swyddog Trwyddedu fod Mrs Burton yn cael rhybudd ynghylch ei hymddygiad yn y dyfodol.

PENDERFYNWYD YN UNFRYDOL, yn unol â chanllawiau'r Cyngor, fod Mrs Rebecca Louise Burton Lewis yn cael rhybudd ynghylch ei hymddygiad yn y dyfodol.

Y Rhesymau

Ar sail y dystiolaeth a gyflwynwyd, roedd y Pwyllgor yn fodlon bod yr ymgeisydd yn rhywun addas a phriodol i feddu ar drwydded.

4. CAIS AM DRWYDDED YRRU DDEUOL CERBYD HACNAI/HURIO PREIFAT - MR LIONEL HUGH PHILLIPS

Bu'r Pwyllgor yn ystyried y cais gan Mr Lionel Hugh Phillips o Elm Lodge, Cwmbach, Hendy-gwyn ar Daf am drwydded yrru ddeuol ar gyfer cerbyd hacnai/hurio preifat.

Bu'r Pwyllgor yn cyfweld â Mr Phillips ynghylch ei gais a'r materion a godwyd gan yr Uwch-swyddog Trwyddedu.

Argymhellodd yr Uwch-swyddog Trwyddedu fod cais Mr Phillips yn cael ei gymeradwyo.

Ar hynny:

PENDERFYNWYD cynnal sesiwn breifat er mwyn cael cyngor cyfreithiol yn unol â Pharagraff 16 o Atodlen 12A i Ddeddf Llywodraeth Leol 1972.

Ar ôl y toriad, ailymgynullodd y Pwyllgor i roi ei benderfyniad.

PENDERFYNWYD gwrthod cais Mr Lionel Hugh Phillips am Drwydded Yrru Ddeuol ar gyfer Cerbyd Hacnai/Hurio Preifat.

Y RHESYMAU:

Ar ôl ystyried yr holl dystiolaeth a gyflwynwyd, atebion yr ymgeisydd i'r Pwyllgor a'r ffeithiau a gyfaddefwyd ganddo, roedd y Pwyllgor o'r farn nad oedd yr ymgeisydd yn rhywun addas a phriodol i feddu ar drwydded.

5. DRWYDDED CERBYD HURIO PREIFAT

Rhodddwyd gwybod i'r Pwyllgor bod Mr Lionel Hugh Phillips wedi tynnu ei gais am Drwydded Cerbyd Hurio Preifat yn ôl yn dilyn penderfyniad y Pwyllgor i wrthod ei gais am Drwydded Yrru Ddeuol ar gyfer Cerbyd Hacnai/Hurio Preifat [gweler cofnod 4 uchod].

6. CAIS AM DRWYDDED YRRU DDEUOL CERBYD HACNAI/HURIO PREIFAT - MR SIMON JOHN GRIFFITHS

Dywedodd yr Uwch-swyddog Trwyddedu wrth y Pwyllgor fod Mr Griffiths wedi rhoi gwybod i'r swyddogion nad oedd yn gallu bod yn bresennol yn y cyfarfod a'i fod wedi gofyn am ohirio ystyried ei gais.

PENDERFYNWYD gohirio ystyried cais Mr Simon John Griffiths am Drwydded Yrru Ddeuol ar gyfer Cerbyd Hacnai/Hurio Preifat tan y cyfarfod nesaf.

7. CAIS I ADNEWYDDU TRWYDDED YRRU DDEUOL CERBYD HACNAI/HURIO PREIFAT - MR BERNARD PRICE

Dywedodd yr Uwch-swyddog Trwyddedu wrth y Pwyllgor fod Mr Price wedi rhoi gwybod i'r swyddogion nad oedd yn gallu bod yn bresennol yn y cyfarfod a'i fod wedi gofyn am ohirio ystyried ei gais.

PENDERFYNWYD gohirio ystyried cais Mr Bernard Price am adnewyddu ei Drwydded Yrru Ddeuol ar gyfer Cerbyd Hacnai/Hurio Preifat tan y cyfarfod nesaf.

8. CAIS AM DRWYDDED YRRU DDEUOL CERBYD HACNAI/HURIO PREIFAT - MR DANIEL PETER LEAVER

Bu'r Pwyllgor yn ystyried cais gan Mr Daniel Peter Leaver o 1 Dyffryn Tywi, Caerfyrddin am Drwydded Yrru Ddeuol ar gyfer Cerbyd Hacnai/Hurio Preifat.

Bu'r Pwyllgor yn cyfwrdd â Mr Leaver ynghylch ei gais. .

Argymhellodd yr Uwch-swyddog Trwyddedu fod cais Mr Leaver yn cael ei ganiatáu a'i fod yn cael rhybudd ynghylch ei ymddygiad yn y dyfodol.

PENDERFYNWYD, yn unol â chanllawiau'r Cyngor, ganiatáu cais Mr Daniel Peter Leaver am Drwydded Yrru Ddeuol ar gyfer Cerbyd Hacnai/Hurio Preifat a rhoi rhybudd iddo ynghylch ei ymddygiad yn y dyfodol.

Y Rhesymau

Ar sail y dystiolaeth a gyflwynwyd, roedd y Pwyllgor yn fodlon bod yr ymgeisydd yn rhywun addas a phriodol i feddu ar drwydded.

9. CAIS I ADNEWYDDU TRWYDDED YRRU DDEUOL CERBYD HACNAI/HURIO PREIFAT - MR DAVID WILLIAM DAVIES

Bu'r Pwyllgor yn ystyried cais gan Mr David William Davies o 15 Maes y Ffair, Caerfyrddin am adnewyddu ei Drwydded Yrru Ddeuol ar gyfer Cerbyd Hacnai/Hurio Preifat.

Bu'r Pwyllgor yn cyfwrdd â Mr Davies ynghylch ei gais.

Argymhellodd yr Uwch-swyddog Trwyddedu fod cais Mr Davies yn cael ei ganiatáu ond ei fod yn cael ei atal am 7 diwrnod.

Ar hynny

PENDERFYNWYD YN UNFRYDOL gynnal sesiwn breifat er mwyn cael cyngor cyfreithiol yn unol â Pharagraff 16 o Atodlen 12A i Ddeddf Llywodraeth Leol 1972.

Ar ôl y toriad, ailymgynullodd y Pwyllgor i roi ei benderfyniad.

PENDERFYNWYD, yn unol â chanllawiau'r Cyngor, ganiatáu cais Mr David William Davies am adnewyddu ei Drwydded Yrru Ddeuol ar gyfer Cerbyd Hacnai/Hurio Preifat.

Y Rhesymau

Ar sail y dystiolaeth a gyflwynwyd, roedd y Pwyllgor yn fodlon bod yr ymgeisydd yn rhywun addas a phriodol i feddu ar drwydded.

10. ADOLYGIAD O'R POLISI HAPCHWARAE

Cafodd y Pwyllgor adroddiad ynghylch adolygiad o'r Polisi Hapchwarae a oedd yn cynnwys Dogfen Ymgynghorol 2018 a'r Polisi Hapchwarae diwygiedig - Deddf Hapchwarae 2005. Nododd yr Aelodau fod y Polisi Hapchwarae presennol a fabwysiadwyd gan yr Awdurdod ym mis Chwefror 2016 wedi dod i rym ar 11 Mawrth 2016. Roedd yn ofynnol, yn ôl y ddeddfwriaeth, i'r Polisi Hapchwarae gael ei adolygu o leiaf bob tair blynedd er mwyn sicrhau ei fod yn adlewyrchu adborth gan y gymuned leol fod yr amcanion statudol yn cael eu cyflawni. Roedd y Polisi Hapchwarae yn adlewyrchu canlyniadau'r ymgynghoriad a'r broses adolygu ac yn cydymffurfio â ddeddfwriaeth a chyfarwyddyd perthnasol.

PENDERFYNWYD YN UNFRYDOL ARGYMELL I'R BWRDD GWEITHREDOL fod y Polisi Hapchwarae diwygiedig yn cael ei gymeradwyo.

11. ADOLYGIAD O'R POLISI TRWYDDEDU

Gan gyfeirio at gofnod 10 o gyfarfod y Pwyllgor a gynhaliwyd ar 24 Mai 2018, cafodd y Pwyllgor adroddiad ynghylch yr adolygiad o Bolisi Trwyddedu'r Awdurdod a oedd yn cynnwys yr Adroddiad Ymgynghori ynghylch y Polisi Trwyddedu a Datganiad diwygiedig y Polisi Trwyddedu a oedd yn adlewyrchu canlyniadau'r broses o ymgynghori ac adolygu. Roedd y Polisi Trwyddedu presennol wedi'i fabwysiadu ym mis Chwefror 2016, yn amodol ar gynnal ymgynghoriadau pellach ynghylch y posibilrwydd o fabwysiadu Polisi Effaith Gronnol mewn perthynas â Heol Awst, Caerfyrddin. Ym mis Ebrill 2018, diwygiwyd y ddeddfwriaeth er mwyn cyfeirio at Asesiadau Effaith Gronnol yn hytrach na Pholisïau Effaith Gronnol. Cynhaliwyd yr ymarfer ymgynghori rhwng 3 Ebrill a 1 Mehefin 2018 yn benodol ar gyfer awdurdodau cyfrifol, preswylwyr lleol, busnesau, deiliaid trwydded presennol a'u cynrychiolwyr gan gyrraedd 1000 o unigolion a sefydliadau. Nododd y Pwyllgor fod y ddogfen polisi trwyddedu ddiwygiedig a oedd yn amgaeedig wrth yr adroddiad, yn adlewyrchu canlyniadau'r ymgynghoriad a'r broses adolygu. O ganlyniad i'r ymarfer ymgynghori, y prif fater a godwyd oedd y darparwyd digon o dystiolaeth i gyfiawnhau mabwysiadu Asesiad Effaith Gronnol mewn perthynas â Heol Awst, Caerfyrddin. Roedd y cynllun dirprwyo wedi'i ddiwygio i adlewyrchu arferion da a newidiadau i'r ddeddfwriaeth.

PENDERFYNWYD YN UNFRYDOL ARGYMELL I'R BWRDD GWEITHREDOL fod y Polisi Trwyddedu diwygiedig yn cael ei gymeradwyo.

12. DEDDF TRWYDDEDU 2003 GWEITHDREFNAU AWDURDODI FFILMIAU

Bu'r Pwyllgor yn ystyried fersiwn ddrafft o ddogfen Gweithdrefnau Awdurdodi Ffilmiau a oedd yn nodi proses eglur ar gyfer dosbarthu ffilmiau i'w dangos mewn mannau cyhoeddus, yn dilyn ymarfer ymgynghori diweddar ynghylch nifer o geisiadau mewn perthynas â chaniatáu i blant wylïo ffilmiau byrion sydd heb eu dosbarthu. Roedd y weithdrefn yn seiliedig ar ddogfen arferion gorau a luniwyd gan Banel Arbenigwyr Trwyddedu Cymru Gyfan a oedd wedi'i diweddarau i adlewyrchu'r cynllun dirprwyo a nodir yn y Polisi Trwyddedu diwygiedig ar gyfer Sir Gaerfyrddin. Nododd y weithdrefn y byddai ceisiadau am ddogfen ffilmiau'n

cael eu cyfeirio at Is-bwyllgor Trwyddedu i benderfynu arnynt, ac eithrio ceisiadau mewn perthynas â rhoi caniatâd i ddangos ffilm a awdurdodwyd gynt mewn lleoliad gwahanol, gan y byddai'r swyddogion yn ymdrin â hwy yn y lle cyntaf.

PENDERFYNWYD YN UNFRYDOL gymeradwyo'r Gweithdrefnau Awdurdodi Ffilmiau.

13. PENODI AELODAU I EISTEDD AR IS-BWYLLGORAU TRWYDDEDU AR GYFER GWEDDILL 2018-19

Bu'r Pwyllgor yn ystyried adroddiad ynghylch darpariaethau Deddf Trwyddedu 2003 a oedd yn manylu ar aelodaeth arfaethedig Is-bwyllgorau Trwyddedu "A" a "B" am weddill Blwyddyn y Cyngor 2018/19 yn dilyn newidiadau i aelodaeth y Pwyllgor Trwyddedu yn ddiweddar.

PENDERFYNWYD YN UNFRYDOL y byddai aelodaeth Is-bwyllgorau Trwyddedu "A" a "B" am weddill Blwyddyn y Cyngor 2018/19 fel a ganlyn:-

Is-bwyllgor Trwyddedu "A"

Cynghorwyr: Fozia Akhtar, Mansel Charles; Ann Davies; Rob Evans; Amanda Fox; Ken Howell ac Elwyn Williams.

Is-bwyllgor Trwyddedu B"

Cynghorwyr: Tyssul Evans; Penny Edwards; Irfon Jones; Andre McPherson; Susan Phillips, Edward Thomas ac Eirwyn Williams.

14. PENODI CADEIRYDDION YR IS-BWYLLGORAU TRWYDDEDU AR GYFER WEDDILL FLWYDDYN Y CYNGOR 2018/19

Bu'r Pwyllgor yn ystyried enwebiadau ar gyfer Cadeiryddion yr Is-bwyllgorau Trwyddedu ar gyfer gweddill Blwyddyn y Cyngor 2018/19 yn dilyn newidiadau o ran yr aelodau'n ddiweddar.

PENDERFYNWYD YN UNFRYDOL

14.1 Benodi'r Cynghorydd J.M. Charles yn Gadeirydd Is-bwyllgor Trwyddedu "A" am weddill Blwyddyn y Cyngor 2018/19;

14.2 Penodi'r Cynghorydd H.I. Jones yn Gadeirydd Is-bwyllgor Trwyddedu "B" am weddill Blwyddyn y Cyngor 2018/19.

15. IS BWYLLGOR TRWYDDEDU 'B' A GYNHALIWYD AR Y 31AIN GORFFENNAF 2018

PENDERFYNWYD YN UNFRYDOL lofnodi cofnodion cyfarfod Is-bwyllgor Trwyddedu "B" a gynhaliwyd ar 31 Gorffennaf 2018 gan eu bod yn gywir.

16. IS BWYLLGOR TRWYDDEDU 'A' A GYNHALIWYD AR Y 18FED MEDI 2018

PENDERFYNWYD YN UNFRYDOL lofnodi cofnodion cyfarfod Is-bwyllgor Trwyddedu "B" a gynhaliwyd ar 18 Medi 2018 gan eu bod yn gywir.

17. IS BWYLLGOR TRWYDDEDU 'B' A GYNHALIWYD AR Y 26AIN MEDI 2018

PENDERFYNWYD YN UNFRYDOL lofnodi cofnodion cyfarfod Is-bwyllgor Trwyddedu "B" a gynhaliwyd ar 26 Medi 2018 gan eu bod yn gywir.

18. LLOFNODI FEL COFNOD CYWIR COFNODION CYFARFOD Y PWYLLGOR TRWYDDEDU A GYNHALIWYD AR Y 2AIL AWST 2018

PENDERFYNWYD YN UNFRYDOL lofnodi cofnodion cyfarfod y Pwyllgor Trwyddedu a gynhaliwyd ar 2 Awst 2018 gan eu bod yn gywir.

CADEIRYDD

DYDDIAD